

馬巷廳志

卷

十七
十八

馬卷廳志卷十七

藝文

雲物爲天地文章太史登臺而書之鴻筆之人
爲國霖雨不獨闡發政治紀事載言有關於地
方卽朔風弄月談天雕龍亦清淑秀氣所鍾文
繫於地地以人傳不可淹也志藝文

著述

許衍田舍墨記四十卷

石起宗經史管窺

陳秋五
金鍾五
師錫

六九

莫贈

邱葵易解疑

書義

詩直解

春秋通義

禮記解

四書口講

經世書

聲音既濟圖

周禮補亡六卷

周禮定本三卷

釣磯詩集一卷

林希元更正大學經傳定本

四書存疑

次崖文集

易經存疑

洪朝選芳洲摘稿

歸田稿

繞州田稿

洪邦光三則更言

蔡獻臣清白堂稿十七卷筆記二卷

同安縣志十卷

仕學潛學講義

四書講義

蔡復一遯庵文集十八卷詩集十本

許獬四書合衆鳴十九卷易解十卷

張對墀同江集十二卷

許琰寧我堂集

瑤洲文集

林君陞自遣偶筆

舟師繩墨

救荒備覽

張星徽歷代名史錄

天下要書十八卷

春秋四傳管窺三十二卷

先儒精義會通九十八卷

康亮經學明辨二卷

史記衷平四卷

論史勺言四卷

林孝基四書評解十卷

三傳合叅三卷

史記滴髓一卷

洪範疇四書講義四十卷

馬老鳳元

卷一

䟽

新政八要䟽

林希元

臣聞冬寒之極必有陽春大亂之後必有大治天下
事壞于好權之手至正德十五年極矣陛下以親藩
入繼大統一舉而更之使十七年天翻地覆之世道
一旦轉而爲乾清坤寧之治此湯武以後所未見而
年方出幼德以夙成則湯武之所未有也卽位以來
日新厥德弛張舉錯動合輿情而尊禮大臣從諫弗
咈又古帝王之盛節至于退處深宮終日靜坐觀覽

章奏之外卽看書史聲色漫遊無所耽嗜侍御僕從
之人無敢褻狎天語渙發左右承聽以爲雷霆臣又
知陛下端莊靜一于人所不見之地非但恭己以正
南面而已也今中外臣民萬口一詞謂陛下天生聖
德此非面諛又謂陛下血氣方升形神未固不宜過
勞恐有所損又謂聖躬宜加慎重飲食起居皆不可
苟恐奸人有所不利蓋其愛之也深故其慮之也至
爾臣甫登仕路幸際明時愛臣徒有心致君愧無術
茲因進香來京覲清光讀明詔不容自默然陛下以

言責諸人固將取其有益身心天下也臣有所見而
不言或言有所畏避而不敢盡非臣所以忠于陛下
也臣之言類多觸犯忌諱然臣但知忠于陛下得與
失非所計也陛下亮臣之心而稍加採擇臣雖退處
衡茅亦無所恨臣觀自古人君莫不下詔以求言人
臣亦莫不進言以忠君然求言者每不能用進言者
多不見售良由君以求諫爲美名而不務其實臣多
過深以求君而不量其勢如漢文帝天資近道至于
禮樂則謙讓未遑漢武帝加唐虞樂商周不免多欲

之累皆好名無實者賈誼董仲舒不量其勢而深求之其不售也固宜臣之才不及賈董陛下之聖遠過二帝臣所以敢過分而深求者誠量陛下而非好名必能用臣之言不若漢二帝之于賈董二生也陛下誠用臣之言則二帝可三三王可四不用臣言則帝王之治終不可得臣恐後之悲今猶今之悲昔也所有敷陳爲君道急務者六曰務正學以隆治道曰親正人以資轉導曰用舊臣以輔新正曰清言路以定國是曰急交修以圖實效曰持久大以終盛美爲朝

廷大政者二曰息內臣機務以拔禍根曰罷內臣鎮
守以厚邦本條列于左總名新政八要謹具奏聞
見次

崖文集茲

不具載

序

周禮全書序

邱葵

周禮一書周公爲天地立心爲生民立民爲萬世開
太平之書也後世之君臣每病于難行也何居葉水
心爲周禮晚出而劉歆遽行之大壞矣蘓綽又壞矣
王安石又壞矣千四百年更三大壞此後君臣病于

難行然則其終不可行乎善乎真西山之言曰有周公之心然後能行周禮無周公之心則悖矣周公之心何心也堯舜文武禹湯之心也以是爲書故能爲天地立心爲生民立命爲萬世開太平也歆也綽也安石也無周公之心而欲行之適所以壞之也有能洗滌三壞之腥穢而一以性命道德起天下之公也則是書無不可行矣鄭賈諸儒析名物辨制度不爲無功而聖賢微旨終莫之睹惟洛之程氏闢西之張氏新安之朱氏其所論說不過數條獨得聖經精微

之蘊蓋程張朱氏之學心學也故能得周公之心而
是書實賴以明矣今國朝新制以六經取士乃置周
官于不用使天下之士習周禮者皆棄而習經毋乃
以冬官之缺爲不全書耶夫冬官未嘗缺也雜出于
五官之中漢儒考古不深遂以考工記補之至我宋
淳熙間臨川俞庭檜始著復古篇新安朱氏一見以
爲冬官不亡考索甚當鄭賈以來皆當歛衽退三舍
也嘉熙間東嘉王次默又作周官補遺由是周禮之
六官始得爲全書矣葵承二先生討論之後加以參

訂的知冬官錯見于五官中實未嘗亡而太平六典
渾然無失欲刊之梓木以廣其傳是亦吾夫子存羊
愛禮之意萬一有觀民風者轉而上達使此經得入
取士之科而周公之心得恭白於天下後世則是區
區之願也同志之士則亦思所以贊勸之哉秦定甲
子歲冬十一月朔後學清源釣磯邱葵吉甫書時年
八十有一

記

浯洲四泉記

明 盧若騰

浯之爲洲大海環之地本斥鹵泉鮮清甘茗飲者病焉蓋茗之香味不得佳泉不發而島上之泉非出自石中者不佳予不能酒而有茗癖終日與泉作緣曩緣舊聞第知有蠓眼將軍二泉耳蠓眼出太武山顛泉竅噓吸象蠓眼之眨動將軍出兜鍪山麓石壁間故以爲號予家東北望太武二十里而遙蠟屐酌泉未數數然西南距兜鍪四里而近奚童汲運不甚艱

遂得時時屬饜去秋偶過華巖庵試其天井中石泉而善之曰螾眼將軍而外此其鼎之一足乎題壁紀事有未經嘗七盃幾失第三泉之句已而族人告予曰林北數百武有龍井焉宋時龍起其地泉湧石罅迄今大旱不涸吾里名龍湖先永豐令公別號龍泉者以此靈跡所存必有異味盍試之汲以瀹茗果大佳嘆詫曰忽近而謀遠得毋爲龍神所笑因并致四泉而詳較之螾眼醇釀冽潔赴喉之後舌吻間尙有餘甘龍井醇冽不減螾眼所微遜者螾眼出于危石